

Powšitkowne WOZJEWJENJA

njedźelu, 24. awgusta 2014

Morfologiski generator za hornjoserbšćinu a móžnosće jeho zasadženja

Serbski institut přeprošuje pónđzelu, 25. awgusta, w 14 hodź. na zjawny přednošk. Diplomowaj informatikarjej Bernhard Baier z Pančic-Kukowa a Wito Bejmak z Radworja porěčitaj k temje „Morfologiski generator za hornjoserbšćinu a móžnosće jeho zasadženja“. Při tym pokazataj na móžnosće zasadženja generatora za prawopisnu a gramatisku kontrolu kaž tež za fleksiski słownik za hornjoserbske teksty.

Boža mša w serbskej rěči w Drježdźanach

Serbja z Drježdźan a wokoliny, jich přiwuzni a přećeljo su přeprošeni na Božu mšu z fararjom Gabrišom Nawku njedźelu, 31. awgusta, we 18 hodź. do cyrkwy swjateho Antonija w Drježdźanach-Löbtauwe, Bünauska 10. Po kemšach zetkamy so k serbskej bjesadže. *Marjana Bubnerjec*

Zetkanje samostejacych

Samostejacy ze serbskich wosadow su na zetkanje wutoru, 16. septembra, w 14 hodź. do Domu biskopa Bena w Smochćicach přeprošeni. Zajimcy njech so hač do srjedy, 10. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Putnikowanje z kolesom

Dom biskopa Bena w Smochćicach zarjadowuje wot njedźele do njedźele, 14. do 21. septembra, putnikowanje z kolesom po Hornjej Łužicy. Wšědnje pojedu něhdže 40 do 50 kilometrow. Čary powjedu putnikow ze Smochćic do wšelakich směrow, na přikład do hole abo do lužiskich hór. Po puću budu čitanja, zamyslenja abo rozmołwy. Zajimcy njech přizjewja so w Smochćicach, telefonowe čisło (03 59 35) 2 23 15. Tam dóstanu tež nadrobniše informacije.

Mandźelski seminar

Přichodny lětuši termin mandźelskeho seminaru je pjatk a sobota, 28./29. nowembra, w Smochćicach. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach.